

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
ZAVOD ZDRAVSTVENOG OSIGURANJA
ZENIČKO-DOBOJSKOG KANTONA

P R A V I L N I K
O PROVOĐENJU ZAKONA O ZAŠTITI LIČNIH PODATAKA
U ZAVODU ZDRAVSTVENOG OSIGURANJA ZENIČKO-DOBOJSKOG
KANTONA

Zenica, februar 2021. godine

Na osnovu člana 26. Statuta Zavoda zdravstvenog osiguranja Zeničko-dobojskog kantona (“Službene novine Zeničko-dobojskog kantona”, broj: 11/16) i člana 11. stav 3. Zakona o zaštiti ličnih podataka (“Službeni glasnik Bosne i Hercegovine”, broj: 49/06 i 76/11), direktor Zavoda zdravstvenog osiguranja Zeničko-dobojskog kantona, d o n o s i

PRAVILNIK O PROVOĐENJU ZAKONA O ZAŠTITI LIČNIH PODATAKA U ZAVODU ZDRAVSTVENOG OSIGURANJA ZENIČKO-DOBOJSKOG KANTONA

I Opće odredbe

Član 1.

Pravilnikom o provođenju Zakona o zaštiti ličnih podataka u Zavodu zdravstvenog osiguranja Zeničko-dobojskog kantona (u daljem tekstu: Pravilnik) propisuju se pravila i procedure u Zavodu zdravstvenog osiguranja Zeničko-dobojskog kantona (u daljem tekstu: Zavod) za primjenu osnovnih načela zakonite obrade ličnih podataka u Zavodu, postupak davanja ličnih podataka korisniku i prijenos podataka u inostranstvo, pravila za ostvarivanje prava nositelja podataka, način i postupak vođenja evidencija propisanih Zakonom o zaštiti ličnih podataka (u daljem tekstu: Zakon), te postupak donošenja Plana sigurnosti podataka u Zavodu.

Član 2.

Izrazi koji se koriste u ovom Pravilniku imaju isto značenje kao u Zakonu.

II Primjena osnovnih načela zakonite obrade ličnih podataka

Član 3.

Zavod vodi sljedeće zbirke ličnih podataka:

- a) Zbirka osiguranih lica Zavoda zdravstvenog osiguranja Zeničko-dobojskog kantona na temelju Zakona o zdravstvenom osiguranju,
- b) Zbirka ličnih podataka radnika Zavoda zdravstvenog osiguranja Zeničko-dobojskog kantona na temelju Zakona o radu, Zakona o PIO/MIO, Zakona o zdravstvenom osiguranju i Zakona o jedinstvenom sistemu registracije, kontrole i naplate doprinosa,
- c) Zbirka ličnih podataka o isplatama plata i drugih naknada Zavoda zdravstvenog osiguranja Zeničko-dobojskog kantona na temelju Zakona o radu, Zakona o PIO/MIO, Zakona o zdravstvenom osiguranju, Zakona o porezu na dohodak, Zakona o jedinstvenom sistemu registracije, kontrole i naplate doprinosa, Pravilnika o podnošenju prijave za upis i promjene upisa u jedinstveni sistem registracije, kontrole i naplate doprinosa i Zakona o doprinosima,
- d) Evidencija o kontrolama privremene spriječenosti za rad Zavoda zdravstvenog osiguranja Zeničko-dobojskog kantona na temelju Zakona o zdravstvenom osiguranju,
- e) Zbirka Komisije za banjsko-klimatsko liječenje Zavoda zdravstvenog osiguranja Zeničko-dobojskog kantona na temelju Zakona o zdravstvenom osiguranju,
- f) Zbirka potrošnje lijekova sa Esencijalne liste i izdatih pomagala Zavoda zdravstvenog osiguranja Zeničko-dobojskog kantona na temelju Zakona o zdravstvenom osiguranju, Zakona o zdravstvenoj zaštiti, Odluke o listi lijekova koji se mogu propisivati i izdavati na teret sredstava Zavoda zdravstvenog osiguranja Zeničko-dobojskog kantona kao i način njihovog propisivanja i izdavanja, Pravilnika o bližim kriterijima za izbor lijekova, postupku

i načinu izrade listi lijekova u Federaciji Bosne i Hercegovine, načinu stavljanja i skidanja lijekova sa listi lijekova, obavezama ministarstava zdravstva, zavoda zdravstvenog osiguranja, te proizvođača i prometnika lijekova uvrštenih na liste lijekova, kao i korištenje lijekova, te Odluke o obimu prava na korištenje ortopedskih i drugih pomagala, zubnopravetske pomoći i zubnopravetskih nadomjestaka i endoproteza.

- g) Zbirka Komisije za razmatranje zahtjeva osiguranih lica Zeničko-dobojskog kantona na temelju Zakona o zdravstvenom osiguranju, Odluke o utvrđivanju Liste lijekova po posebnom odobrenju, kao i načinu i postupku utvrđivanja prava osiguranika na korištenje lijekova sa Liste na teret sredstava Zavoda zdravstvenog osiguranja Zeničko-dobojskog kantona, Odluke o obimu prava na korištenje ortopedskih i drugih pomagala, stomatološko-protetske pomoći i stomatološko-protetskih nadomjestaka, Pravilnika o uvjetima, načinu i postupku ostvarivanja zdravstvene zaštite za vrijeme privremenog boravka u inostranstvu, Sporazuma o načinu i postupku korištenja zdravstvene zaštite osiguranih osoba na teritoriji Bosne i Hercegovine, van područja entiteta, odnosno Distrikta Brčko, kome osigurane osobe pripadaju, Sporazma o načinu i postupku korištenja zdravstvene zaštite van područja kantonalnog zavoda zdravstvenog osiguranja kome osiguranik pripada, te Pravilnika o načinu ostvarivanja prava iz obaveznog zdravstvenog osiguranja,
- h) Zbirka Komisije za odobravanje usluga iz oblasti biomedicinski potpomognute oplodnje na temelju Zakona o zdravstvenom osiguranju, Zakona o liječenju neplodnosti biomedicinski potpomognutom oplodnjom, te Pravilnika o obimu prava na biomedicinski potpomognutu oplodnju na teret sredstava obaveznog zdravstvenog osiguranja i načinu formiranja cijene pojedinačnih postupaka biomedicinski potpomognute oplodnje,
- i) Zbirka Komisije za prava osiguranika na temelju Zakona o zdravstvenom osiguranju,
- j) Zbirka izdatih dvojezičnih obrazaca na temelju Zakona o zdravstvenom osiguranju,
- k) Zbirka ličnih podataka sadržanih u ambulantnom i bolničkom informacionom sistemu (AIS i BIS) na temelju Zakona o zdravstvenom osiguranju, Zakona o zdravstvenoj zaštiti, Zakona o evidencijama u oblasti zdravstva, te Pravilniku o obliku i sadržaju osnovne medicinske dokumentacije i
- l) Zbirka ličnih podataka prikupljenih putem video nadzora na temelju Odluke o uspostavi i načinu korištenja video nadzora u Zavodu zdravstvenog osiguranja Zeničko-dobojskog kantona.

Član 4.

Svrha obrade ličnih podataka sadržanih u zbirkama ličnih podataka iz člana 3. ovog Pravilnika proizilazi iz propisa koji predstavljaju pravni osnov za njihovu obradu.

Član 5.

Lični podaci u Zbirci osiguranih lica Zavoda zdravstvenog osiguranja Zeničko-dobojskog kantona obrađuju se u svrhu regulisanja prava i obaveza iz Zakona o zdravstvenom osiguranju.

Zbirka osiguranih lica Zavoda zdravstvenog osiguranja Zeničko-dobojskog kantona se vodi u aplikaciji HCFIS za svaku osiguranu osobu i sadrži sljedeće vrste ličnih podataka: ime i prezime, datum rođenja, JMBG, djevojačko prezime, spol, adresa prebivališta, mjesto prebivališta, državljanstvo, zanimanje, stručna spremam, osnov osiguranja, broj telefona, lijekovi koji se propisuju osiguranom licu, bolovanja propisana osiguranom licu, ortopedska pomagala propisana osiguranom licu, liječenje odobreno osiguranom licu unutar kantona, liječenje odobreno osiguranom licu van područja Zeničko-dobojskog kantona, šifra izabranog doktora, broj zdravstvene knjižice/legitimacije, članovi porodice osiguranog lica (lični podaci članova porodice: JMBG, ime i prezime, osnov osiguranja, matični broj nositelja osiguranja i srodstvo sa nositeljem osiguranja), uplate doprinosa za osigurano lice, dijagnoza osiguranog lica, šifra oboljenja, početak osiguranja,

kraj osiguranja, naziv doma zdravlja i ime i prezime nositelja osiguranja.

Član 6.

Lični podaci u Zbirci ličnih podataka radnika Zavoda zdravstvenog osiguranja Zeničko-dobojskog kantona obrađuju se u svrhu regulisanja radno pravnog statusa i izvršavanja kadrovske funkcije kontrolora u skladu sa propisima koji uređuju prava i obaveze iz radnog odnosa.

Zbirka ličnih podataka radnika Zavoda zdravstvenog osiguranja Zeničko-dobojskog kantona vodi se u obliku administrativnog dosjea za svakog radnika posebno i u obliku matične knjige radnika i sadrži sljedeće vrste ličnih podataka: ime i prezime radnika, djevojačko prezime radnika, ime i prezime roditelja radnika, mjesto i datum rođenja radnika, JMBG radnika, adresa prebivališta radnika, vrsta stručne spreme, stepen stručne spreme, zanimanje radnika, datum zasnivanja radnog odnosa radnika, datum prestanka radnog odnosa radnika, radni staž radnika, podaci o invaliditetu radnika, spol radnika, državljanstvo radnika, karijera radnika i podaci o osiguranim članovima porodice radnika (ime i prezime, JMBG, srodstvo).

Član 7.

Lični podaci u Zbirci ličnih podataka o isplatama plata i drugih naknada Zavoda zdravstvenog osiguranja Zeničko-dobojskog kantona obrađuju se u svrhu isplate plata i drugih naknada radnicima, članovima Upravnog odbora i komisija, te u svrhu ispunjavanja obaveza koje Zavod kao pravni subjekat ima prema državnim organima u skladu sa odredbam Zakona o radu, Zakona o PIO/MIO, Zakona o zdravstvenom osiguranju, Zakona o porezu na dohodak, Zakona o jedinstvenom sistemu registracije, kontrole i naplate doprinosa i Zakona o doprinosima.

Zbirka ličnih podataka o isplatama plata i drugih naknada Zavoda zdravstvenog osiguranja Zeničko-dobojskog kantona vodi se u obliku različitih izvještaja na mjesecnom i godišnjem nivou i sadrži sljedeće vrste ličnih podataka: ime i prezime radnika, imena roditelja radnika, JMBG radnika, radno mjesto radnika, koeficijent radnog mesta radnika, porezna olakšica radnika, minuli rad radnika, topli obrok radnika, broj radnih sati radnika, odbici radnika, doprinosi iz i na platu radnika, obračun poreza radnika, broj sati na bolovanju radnika, podaci o godišnjem odmoru radnika, podaci o plaćenom odsustvu radnika, podaci o neplaćenom odsustvu radnika, podaci o bruto plati radnika, podaci o neto plati radnika, mjesto, adresa i općina prebivališta radnika, datum zasnivanja radnog odnosa, koeficijent ličnog odbitka radnika, broj transakcijskog računa radnika, podaci o isplaćenom regresu, vrsta naknade za isplatu i period na koji se odnosi isplata.

Član 8.

Lični podaci u Evidenciji o kontrolama privremene spriječenosti za rad Zavoda zdravstvenog osiguranja Zeničko-dobojskog kantona obrađuju se u svrhu rješavanja po prigovorima na utvrđenu ocjenu o privremenoj spriječenosti za rad, kao i u svrhu nadzora nad korištenjem naknade plaće za vrijeme privremene spriječenosti za rad, a u skladu sa Zakonom o zdravstvenom osiguranju.

Evidencija o kontrolama privremene spriječenosti za rad Zavoda zdravstvenog osiguranja Zeničko-dobojskog kantona vodi se u obliku elektronske aplikacije i sadrži sljedeće vrste ličnih podataka: ime i prezime, JMBG, adresa prebivališta, mjesto prebivališta, osnov osiguranja, propisana bolovanja, šifru oboljenja, uzrok privremene spriječenosti za rad, naziv doma zdravlja osigurane osobe, ocjenu komisije i period trajanja bolovanja.

Evidencije o predmetima Drugostepene komisije za kontrolu bolovanja vode se ručno i sadrže lične podatke navedene u stavu 2. ovog člana.

Član 9.

Lični podaci u Zbirci Komisije za banjsko-klimatsko liječenje Zavoda zdravstvenog osiguranja Zeničko-dobojskog kantona obrađuju se u svrhu ostvarivanja prava na banjsko-klimatsko liječenje za osigurana lica koja su osigurana putem Zavoda zdravstvenog osiguranja Zeničko-dobojskog kantona i u svrhu nadzora i evidencije nad upućivanjem osiguranih lica na banjsko-klimatsko liječenje na teret Zavoda, a u skladu sa Zakonom o zdravstvenom osiguranju.

Zbirka Komisije za banjsko-klimatsko liječenje Zavoda zdravstvenog osiguranja Zeničko-dobojskog kantona vodi se u obliku elektronske aplikacije i sadrži sljedeće vrste ličnih podataka: ime i prezime, adresa prebivališta, mjesto prebivališta, osnov osiguranja, šifra bolesti, Odluku Komisije za banjsko-klimatsko liječenje, podatke o korištenom banjsko-klimatskom liječenju, ime i prezime roditelja osiguranika, broj telefona osiguranog lica, šifra izabranog doktora, dijagnoza osiguranog lica, medicinska dokumentacija potrebna za donošenje odluke o potrebi banjsko-klimatskog liječenja (nalazi specijaliste, podaci o fizikalnom tretmanu), dom zdravlja osiguranog lica.

Član 10.

Lični podaci u Zbirci potrošnje lijekova sa Esencijalne liste i izdatih pomagala Zavoda zdravstvenog osiguranja Zeničko-dobojskog kantona obrađuju se u svrhu praćenja potrošnje lijekova sa Esencijalne liste, praćenja ispravnosti propisivanja recepata, te ispravnosti izdavanja propisanih lijekova i pomagala, u skladu sa Zakonom o zdravstvenom osiguranju, Zakonom o zdravstvenoj zaštiti, zakonskim propisima koji regulišu oblast lijekova i Odlukom o obimu prava na korištenje ortopedskih i drugih pomagala, zubnopravetske pomoći i zubnopravetskih nadomjestaka i endoproteza.

Zbirka potrošnje lijekova sa Esencijalne liste i izdatih pomagala Zavoda zdravstvenog osiguranja Zeničko-dobojskog kantona vodi se u obliku elektronske aplikacije i sadrži sljedeće vrste ličnih podataka: ime i prezime, JMBG, adresa prebivališta, mjesto prebivališta, osnov osiguranja, lijekove propisane osiguranom licu, šifru oboljenja, šifru izabranog doktora, naziv zdravstvene ustanove osiguranog lica i vrstu pomagala.

Član 11.

Lični podaci u Zbirci Komisije za razmatranje zahtjeva osiguranih lica Zeničko-dobojskog kantona se obrađuju u svrhu ostvarivanja prava osiguranih lica na nabavku ortopedskih i drugih pomagala, prava na liječenje van kantona, entiteta i u inostranstvu, prava na korištenje lijekova sa Liste lijekova po posebnom odobrenju na teret sredstava Zavoda zdravstvenog osiguranja Zeničko-dobojskog kantona, prava na korištenje lijekova za ležeće pacijente u ugovornim kliničkim centrima, prava na refundaciju sredstava datih za zdravstvene usluge i u svrhu nadzora i evidencije nad odobravanjem ortopedskih pomagala, liječenja van kantona, entiteta i u inostranstvu, nadzora i evidencije nad odobravanjem i utroškom lijekova sa Liste lijekova po posebnom odobrenju Zeničko-dobojskog kantona na teret sredstava Zavoda zdravstvenog osiguranja, te lijekova za ležeće pacijente u ugovornim kliničkim centrima, a sve u skladu sa Zakonom o zdravstvenom osiguranju, Odlukom o utvrđivanju Liste lijekova po posebnom odobrenju, kao i načinu i postupku utvrđivanja prava osiguranika na korištenje lijekova sa Liste na teret sredstava Zavoda zdravstvenog osiguranja Zeničko-dobojskog kantona, Odlukom o obimu prava na korištenje ortopedskih i drugih pomagala, stomatološko-protetske pomoći i stomatološko-protetskih nadomjestaka, Pravilnikom o uvjetima, načinu i postupku ostvarivanja zdravstvene zaštite za vrijeme privremenog boravka u inostranstvu, Sporazumom o načinu i postupku korištenja zdravstvene zaštite osiguranih osoba na teritoriji Bosne i Hercegovine, van područja entiteta, odnosno Distrikta Brčko, kome osigurane

osobe pripadaju, Sporazmom o načinu i postupku korištenja zdravstvene zaštite van područja kantonalnog zavoda zdravstvenog osiguranja kome osiguranik pripada, te Pravilnikom o načinu ostvarivanja prava iz obaveznog zdravstvenog osiguranja

Zbirka Komisije za razmatranje zahtjeva osiguranih lica Zeničko-dobojskog kantona vodi se djelimično automatski sa pripadajućom ručnom datotekom i sadrži sljedeće vrste ličnih podataka: ime i prezime, JMBG, datum rođenja, adresa prebivališta, mjesto prebivališta, osnov osiguranja, šifra bolesti, odluka Komisije za razmatranje zahtjeva osiguranih lica Zeničko-dobojskog kantona, podaci o ranijim zahtjevima osiguranog lica i o ranijim odlukama Komisije za razmatranje zahtjeva osiguranih lica Zeničko-dobojskog kantona, ime i prezime roditelja osiguranog lica, broj telefona, šifra izabranog doktora, dijagnoza, medicinska dokumentacija potrebna za donošenje odluke Komisije za razmatranje zahtjeva osiguranih lica Zeničko-dobojskog kantona, dom zdravlja osiguranog lica, ocjena zdravstvenog stanja od strane doktora porodične medicine, propisana, odobrena i realizovana ortopedска pomagala, propisana terapija i konzilijarno mišljenje klinike na kojoj se osigurano lice lijeчи.

Član 12.

Lični podaci u Zbirci Komisije za odobravanje usluga iz oblasti biomedicinski potpomognute oplodnje se obrađuju u svrhu ostvarivanja prava osiguranih lica na odobravanje sufinansiranja usluga biomedicinski potpomognute oplodnje u skladu sa Zakonom o zdravstvenom osiguranju.

Zbirka Komisije za odobravanje usluga iz oblasti biomedicinski potpomognute oplodnje vodi se djelimično automatski sa pripadajućom ručnom datotekom i sadrži sljedeće vrste ličnih podataka: ime i prezime, JMBG, datum rođenja, adresa prebivališta, mjesto prebivališta, osnov osiguranja, šifra bolesti, prvostepena odluka po zahtjevu osiguranika, broj telefona, šifra izabranog doktora, dijagnoza, medicinska dokumentacija potrebna za donošenje odluke, dom zdravlja osiguranog lica.

Član 13.

Lični podaci u Zbirci Komisije za prava osiguranika se obrađuju u svrhu ostvarivanja prava osiguranih lica u drugom stepenu, a na osnovu Zakona o zdravstvenom osiguranju.

Zbirka Komisije za prava osiguranika vodi se djelimično automatski sa pripadajućom ručnom datotekom i sadrži sljedeće vrste ličnih podataka: ime i prezime, JMBG, datum rođenja, adresa prebivališta, mjesto prebivališta, osnov osiguranja, šifra bolesti, odluka Komisije za prava osiguranika, ime i prezime roditelja osiguranika, broj telefona, šifra izabranog doktora, dijagnoza, medicinska dokumentacija potrebna za donošenje odluke Komisije za prava osiguranika, dom zdravlja osiguranog lica, lijekovi propisani osiguranom licu, ortopedска pomagala propisana osiguranom licu, odluka Komisije za banjsko-klimatsko liječenje po zahtjevu osiguranog lica, podaci o korištenom banjsko-klimatskom liječenju, odluka prvostepenog organa po zahtjevu osiguranog lica, odluka Komisije za utvrđivanje prava osiguranika na korištenje lijekova sa Liste lijekova po posebnom odobrenju po zahtjevu osiguranog lica, odluka Komisije za odobravanje magnatne rezonance po zahtjevu osiguranog lica, odluka Komisije za odobravanje liječenja van područja Zeničko-dobojskog kantona po zahtjevu osiguranog lica i odluka rukovodioca zdravstvene ustanove po zahtjevu osiguranog lica.

Član 14.

Lični podaci u Zbirci izdatih dvojezičnih obrazaca se obrađuju u svrhu ostvarivanja prava osiguranih lica na zdravstvenu zaštitu za vrijeme boravka u inostranstvu, u skladu sa Zakonom o zdravstvenom osiguranju.

Zbirka izdatih dvojezičnih obrazaca vodi se djelimično automatski sa pripadajućom ručnom datotekom i sadrži sljedeće vrste ličnih podataka: ime i prezime, JMBG, datum rođenja, adresa prebivališta, mjesto prebivališta, osnov osiguranja, šifra bolesti, broj telefona, ocjena zdravstvenog stanja od strane doktora porodične medicine, dijagnoza, medicinska dokumentacija potrebna za donošenje odluke o naknadnom izdavanju dvojezičnog obrasca i dom zdravlja osiguranog lica.

Član 15.

Lični podaci u Zbirci ličnih podataka sadržanih u ambulantnom i bolničkom informacionom sistemu (AIS i BIS) se obrađuju u svrhu ostvarivanja prava osiguranih lica koja proizilaze iz zdravstvenog osiguranja.

Zbirka ličnih podataka sadržanih u ambulantnom i bolničkom informacionom sistemu (AIS i BIS) vodi se automatski i sadrži sljedeće vrste ličnih podataka: ime i prezime, datum rođenja, JMBG, djevojačko prezime, spol, adresa prebivališta, mjesto prebivališta, državljanstvo, zanimanje, stručna sprema, osnov osiguranja, broj telefona, lijekovi koji se propisuju osiguranom licu, bolovanja propisana osiguranom licu, ortopedska pomagala propisana osiguranom licu, liječenje odobreno osiguranom licu unutar kantona, liječenje odobreno osiguranom licu van područja Zeničko-dobojskog kantona, šifra izabranog doktora, medicinska dokumentacija, podaci o oboljenjima, podaci o sistematskim, periodičnim i preventivnim pregledima, dijagnoza osiguranog lica, šifra oboljenja, početak osiguranja, kraj osiguranja, naziv doma zdravlja, ime i prezime nositelja osiguranja, podaci o imunizaciji, podaci o preventivnim mjerama i postupcima prema preventivnim programima i podaci o bolničkom liječenju.

Član 16.

Lični podaci u Zbirci ličnih podataka prikupljenih putem video nadzora se obrađuju u svrhu obezbjeđenja većeg stepena sigurnosti lica i imovine u Zavodu zdravstvenog osiguranja Zeničko-dobojskog kantona, sprečavanja, onemogućavanja, a po potrebi i istraživanja sigurnosnih incidenata, mogućih opasnosti ili neovlaštenih fizičkih ulazaka, uključujući neovlaštene pristupe osiguranim prostorima i IT infrastrukturi, te sprečavanja, otkrivanja i istraživanja slučajeva krađe opreme ili imovine u vlasništvu Zavoda zdravstvenog osiguranja Zeničko-dobojskog kantona.

Zbirka ličnih podataka prikupljenih putem video nadzora vodi se automatski i sadrži sljedeće vrste ličnih podataka: slika, pokret, datum video zapisa i vrijeme video zapisa.

Član 17.

Podatke u zbirkama ličnih podataka iz člana 3. ovog Pravilnika Zavod obrađuje u obimu koji je utvrđen u propisima koji predstavljaju pravni osnov za vođenje ovih evidencija.

Član 18.

Radnik Zavoda dužan je pravovremeno ažurirati podatke u zbirkama ličnih podataka iz člana 3. ovog Pravilnika na osnovu relevantne dokumentacije i osigurati dokaze o porijeklu ličnih podataka.

Član 19.

Obrada i ažuriranje ličnih podataka u Zbirci osiguranih lica Zavoda zdravstvenog osiguranja Zeničko-dobojskog kantona vrši se u Poslovnicama Zavoda u saradnji sa Jedinicom za informatiku.

Obrada i ažuriranje ličnih podataka u Zbirci ličnih podataka radnika Zavoda zdravstvenog

osiguranja Zeničko-dobojskog kantona vrši se u Službi za pravne i opće poslove.

Obrada i ažuriranje ličnih podataka u Zbirci ličnih podataka o isplatama plata i drugih naknada Zavoda zdravstvenog osiguranja Zeničko-dobojskog kantona vrši se u Službi za finansijske i računovodstvene poslove.

Obrada i ažuriranje ličnih podataka u Evidenciji o kontrolama privremene spriječenosti za rad Zavoda zdravstvenog osiguranja Zeničko-dobojskog kantona vrši se u Službi za sprovođenje zdravstvenog osiguranja i analitičko-planske poslove i u Poslovnicama Zavoda u saradnji sa Jedinicom za informatiku.

Obrada i ažuriranje ličnih podataka u Zbirci Komisije za banjsko-klimatsko lijeчењe Zavoda zdravstvenog osiguranja Zeničko-dobojskog kantona vrši se u Službi za pravne i opće poslove u saradnji sa Jedinicom za informatiku.

Obrada i ažuriranje ličnih podataka u Zbirci potrošnje lijekova sa Esencijalne liste i izdatih pomagala Zavoda zdravstvenog osiguranja Zeničko-dobojskog kantona vrši se u Službi za finansijske i računovodstvene poslove u saradnji sa Jedinicom za informatiku.

Obrada i ažuriranje ličnih podataka u Zbirci Komisije za utvrđivanje prava osiguranika na korištenje lijekova sa Liste lijekova po posebnom odobrenju vrši se u Službi za pravne i opće poslove u saradnji sa Službom za sprovođenje zdravstvenog osiguranja i analitičko-pravne poslove i Službom za finansijske i računovodstvene poslove.

Obrada i ažuriranje ličnih podataka u Zbirci Komisije za razmatranje zahtjeva osiguranih lica Zeničko-dobojskog kantona vrši se u Službi za pravne i opće poslove u saradnji sa Službom za finansijske i računovodstvene poslove.

Obrada i ažuriranje ličnih podataka u Zbirci Komisije za odobravanje usluga iz oblasti biomedicinski potpomognute oplodnje vrši se u Službi za pravne i opće poslove u saradnji sa Službom za finansijske i računovodstvene poslove.

Obrada i ažuriranje ličnih podataka u Zbirci izdatih dvojezičnih obrazaca vrši se u Poslovnicama Zavoda i saradnji sa Službom za sprovođenje zdravstvenog osiguranja i analitičko-pravne poslove i Pomoćnikom direktora za zdravstvenu zaštitu.

Obrada ličnih podataka u Zbirci ličnih podataka sadržanih u ambulantnom i bolničkom informacionom sistemu (AIS i BIS) povjerena je obrađivačima odnosna zdravstvenim ustanovama na području Zeničko-dobojskog kantona (JU Kantonalna bolnica Zenica, JZU Poliklinika s dnevnom bolnicom Dobojski Jug, JU „Dom zdravlja“ Zenica, JU „Dom zdravlja“ Breza, JU „Dom zdravlja“ Kakanj, JU „Dom zdravlja“ Maglaj, JU „Dom zdravlja“ Olovo, JZU Dom zdravlja „Izudin Mulabećirović – Izo“ Tešanj, JU „Dom zdravlja“ Zavidovići, JU Dom zdravlja sa stacionarom Žepče, JU „Dom zdravlja“ Usora, JU „Dom zdravlja“ Visoko i JU „Dom zdravlja“ Vareš) na temelju ugovora o međusobnim odnosima u pružanju zdravstvene zaštite koji se zaključuju sa istima, dok Zavod kao vlasnik servera na kojem se nalazi eMed Solutions aplikacija vrši samo administraciju sistema.

Obrada i ažuriranje ličnih podataka u Zbirci ličnih podataka prikupljenih putem video nadzora vrši se u Službi za pravne i opće poslove (info pult) u saradnji sa Jedinicom za informatiku.

Član 20.

Rokovi za obradu podataka u zbirkama ličnih podataka iz člana 3. ovog Pravilnika određeni s u Listi registraturne građe sa rokovima čuvanja u Zavodu:

1. Podaci u Zbirci osiguranih lica Zavoda zdravstvenog osiguranja Zeničko-dobojskog kantona obrađuju se trajno.
2. Podaci u Zbirci ličnih podataka radnika Zavoda zdravstvenog osiguranja Zeničko-dobojskog kantona obrađuju se trajno.
3. Podaci u Zbirci ličnih podataka o isplatama plata i drugih naknada Zavoda zdravstvenog osiguranja Zeničko-dobojskog kantona obrađuju se trajno.
4. Podaci u Evidenciji o kontrolama privremene spriječenosti za rad Zavoda zdravstvenog osiguranja Zeničko-dobojskog kantona obrađuju se trajno.
5. Podaci u Zbirci Komisije za banjsko-klimatsko liječenje Zavoda zdravstvenog osiguranja Zeničko-dobojskog kantona obrađuju se trajno.
6. Podaci u Zbirci potrošnje lijekova sa Esencijalne liste i izdatih pomagala Zavoda zdravstvenog osiguranja Zeničko-dobojskog kantona obrađuju se trajno u elektronskom obliku, a u pisanom obliku 2 godine.
7. Podaci u Zbirci Komisije za razmatranje zahtjeva osiguranih lica Zeničko-dobojskog kantona odobrenju obrađuju se trajno.
8. Podaci u Zbirci Komisije za odobravanje usluga iz oblasti biomedicinski potpomognute oplodnje obrađuju se trajno.
9. Podaci u Zbirci Komisije za prava osiguranika obrađuju se trajno.
10. Podaci u Zbirci izdatih dvojezičnih obrazaca obrađuju se trajno.
11. Podaci u Zbirci ličnih podataka sadržanih u ambulantnom i bolničkom informacionom sistemu (AIS i BIS) obrađuju se trajno.
12. Podaci u Zbirci ličnih podataka prikupljenih putem video nadzora obrađuju se 5 dana od dana nastanka video zapisa obzirom da se po proteku 5 dana od dana nastanka video zapisa isti automatski brišu.

III Davanje ličnih podataka korisniku i prijenos podataka u inostranstvo

Član 21.

Davanje podataka sadržanih u zbirkama ličnih podataka iz člana 3. ovog Pravilnika korisniku vrši se u skladu sa članom 17. Zakona ukoliko su u pitanju javni organi i ukoliko je istim potrebno za izvršavanje zakonom utvrđene nadležnosti.

Davanje podataka sadržanih u zbirkama ličnih podataka iz člana 3. ovog Pravilnika korisniku, koji je pravna ili fizička osoba, vrši se u skladu sa Zakonom o slobodi pristupa informacijama.

Davanje podataka iz Zbirki ličnih podataka radnika Zavoda i Zbirke ličnih podataka o isplatama plata i drugih naknada Zavoda vrši se institucijama, ustanovama i zavodima radi regulisanja radno pravnog statusa kao i prava i obaveza radnika.

Član 22.

Podatke iz Zbirke osiguranih osoba Zavoda zdravstvenog osiguranja Zeničko-dobojskog kantona i Zbirke izdatih dvojezičnih obrazaca Zavod će se prenositi po potrebi u inostranstvo u skladu sa važećim međunarodnim konvencijama o socijalnom osiguranju.

IV Ostvarivanje prava nositelja podataka

Član 23.

Po prijemu zahtjeva nositelja podataka, koji se odnosi na informaciju u vezi obrade njegovih ličnih podataka, Zavod će nositelju podataka u roku od 30 dana dostaviti odgovor jednom godišnje bez naknade, u skladu sa članom 25. stav 1. Zakona.

Pored dostavljanja informacije nositelju podataka jednom godišnje bez naknade, Zavod uz određenu naknadu, nositelju podataka dostavlja i informacije u bilo koje vrijeme u skladu sa članom 25. stav 2. Zakona.

Zavod može odbiti zahtjev nositelja podataka, koji se odnosi na informacije u vezi obrade njegovih ličnih podataka, kada je ispunjen jedan od slučajeva propisan u članu 28. Zakona.

Član 24.

Zavod obavještava nositelja podataka i druge osobe, kojima su preneseni podaci, o eventualnim ispravkama i brisanju tih podataka, ako se time narušava opravдан interes nositelja podataka, u skladu sa članom 27. Zakona.

V Evidencije iz Zakona

Član 25.

Zavod vodi evidenciju o svakoj zbirci ličnih podataka iz člana 3. ovog Pravilnika, u skladu sa članom 13. Zakona.

Evidencija iz stava 1. ovog člana sadrži temeljne informacije o svakoj zbirci ličnih podataka i vodi se na obarscu evidencije koji je propisan Pravilnikom o načinu vođenja i obrascu evidencije o zbirkama ličnih podataka.

Član 26.

Zavod će voditi evidenciju o ličnim podacima koji su dati korisniku ličnih podataka i svrsi za koju su dati, u skladu sa članom 17. stav 5. Zakona.

Član 27.

Zavod će voditi evidenciju o odbijenim zahtjevima nositelja podataka u skladu sa članom 26. Zakona.

Član 28.

Evidencije iz člana 3. ovog Pravilnika vode radnici raspoređeni na poslove i zadatke u Službi za pravne i opće poslove, Službi za sprovodenje zdravstvenog osiguranja i analitičko-planske poslove, Službi za finansijske i računovodstvene poslove, Poslovnicama Zavoda i Jedinici za informatiku.

VI Plan sigurnosti

Član 29.

Zavod donosi plan sigurnosti koji sadrži tehničke i organizacione mjere za sigurnost podataka koji se obrađuju u Zavodu, u skladu sa Pravilnikom o načinu čuvanja i posebnim mjerama tehničke zaštite.

Procjenu adekvatnosti tehničkih i organizacionih mjera zaštite ličnih podataka vrši Stručna služba Zavoda najmanje jednom godišnje.

Član 30.

Ugovorne kuće s kojima će Zavod zaključiti određene Ugovore, obavezat će se putem ugovora, da će se prema informacijama poslovne prirode koje obuhvataju lične podatke, primljenim tokom realizacije Ugovora zaključenog sa Zavodom, odnositi sa strogom povjerljivosti i tajnosti, iste ne otkrivati trećoj strani, te ne iskoristiti niti jednu od tih informacija bez pisane saglasnosti Zavoda.

VII Završne odredbe

Član 30.

Ovaj Pravilnik stupa na snagu danom donošenja i biće objavljen na web stranici Zavoda.

Član 32.

Stupanjem na snagu ovog Pravilnika prestaje da važi Pravilnik o provođenju Zakona o zaštiti ličnih podataka u Zavodu zdravstvenog osiguranja Zeničko-dobojskog kantona broj 01-5993/19 od 05.08.2019. godine i broj: 01-12267/20 od 02.11.2020. godine.

Broj: 01-1781/21
Zenica, 15.02.2021. godine



